

*Plantae Arabiae in ditionibus Hedschas, Asyr et El Arysch  
a medico germanico nomine ignoto, in El Arysch defuncto,  
annis 1836—1838 collectae, quas determinavit*

Dr. Theodorus Kotschy.

(Additae sunt tabulae VII.)

Exiguam sed praeciosam collectionem plantarum exsiccatarum Herbario Caesareo Palatii Vindobonensis Consul Alexandrinus pluribus ab hinc annis dono obtulit. Fasciculo adposita scheda docet, plantas has, triginta annis ab hinc, in expeditione sub auspiciis Ducis militaris Churshid Pascha, jussu proregis Aegypti Mehemed Ali susceptae, a medico germanico quodam hunc commitante in regionibus Dschedda usque Assyr et El Arysch collectas esse.

Confirmat id locus in ephemeridibus „Ausland“ anni 1864 p. 713, qui narrat praeter Palgraevium nuperrime ex Arabia redditum, aliquot medicos ducem Chuscid Pascha ad loca remotissima hucusque cognita Arabiae montanae commitatos esse. Haec unica ad hanc diem cognita plantarum provinciae Asyr collectio, originem trahit ab aliquo horum germano medicorum, cuius nomen ad nos non pervenit.

Determinatio atque descriptio harum plantarum, quae 107 speciebus absolvuntur, a Praefecto Herbario Caesareo Domino Professore Fenzl mihi mandata est, quas confestim, exceptis 20 speciebus, suis classibus adseripsi. Inter has 20 species 8 tam mancae erant, ut earum species haud acuratius erui possint, reliquae 8 prorsus novae species sunt, quarum diagnoses, cum 4 minuscognitis, adjectis etiam tabulis analysim plantarum exhibentibus, huc sisto.

Quum 20 plantae hae memoratu dignae visae sunt, misi eas  
constituendae comparationis causa ad clariss. Dominum Ed. Boissier  
Genevae, qui plurimas orientales possidet plantas, et qui eas sibi  
quoque incognitas mihi remisit. Hujus collectionis ex Arabia 30 speci-